



28.09.2022

UKA2022/125

## **Uunga siunnersuut: Mittarfeqarfiit A/S pillugu Inatsisartut inatsisaat.**

(Ineqarnermut Attaveqaasersuutinullu Naalackersuisoq)

### **Siullermeernera:**

Mittarfeqarfiit A/S-ngornissaanik pillugu inatsisartut inatsisissaattut siunnersuut una Naalackersuisooqataanitsinni qaqqinneqaraluarat sakkortunerpaamik itigartillugu tunuardeqqunikuarput tamannalu aamma malinneqarluni tunuartitaanikuugaluarpoq.

Mittarfiliornerit Nuummi Ilulissanilu inuiaqatigiinnut qanoq akisutigineri aallaqaataaniilli taakkartukkatta ajorluinnartup kingunipiluisa ilaat saqqummiunneqarpoq.

Inuiaqatigiinnut akilersinnaasusaanik siunnerfeqarnikuunerit qimarratigineqartaarput tamannalu inuiaqatigiinnut akisoorujussuannorsinnaavoq ingammik illoqarfiit anginerit avataaniittunut.

Mittarfiliorniarnert aallartereersut kingunipiluutigisassaaattut sunniutipiluutaasussat ajorluinnartut amerlasuut saqqummiussaakkatta una ilaminnguat saqqummiunneqarpoq.

Mittarfiliornermi sunniutissaat aningaasartuutissat allamut toqqortigarpassuupput nuunneqartorpassuupput, taakkulu amiilaarnaannartumik aningaasartaqartut saqqummiussaartarnikuusagut.

Siunnersuummi tupinnaraluartumik uani ilaatigut pilersuinerit mittarfeqarfiit sumiiffinni ingerlassimasaat kommuninut tunniunneqarniarput, naatsumik oqaatigalugu aningaasartuutaasut aningaasartalernissaanik pilersaaruteqarani kommunillu aningaasartuutissaanik annertussusaanik tamakkiisumik qulakkeerinneqaarani taamatut siunnerfeqartoqarnera qitiusumiit akisussaaffigisamit qimarratiginninnertut taasariaqarpoq, tassami qitiusumiit aningaasartuutaasartut kommuninut nuuniarneqarnerat kommunit aningaasaqarnikkut nammassinnaasaat killeqareersut qaavatigut tunioraaginnartarneq kommunit ingerlatsiniarnerannut innarliisarmat aningaasartaqarnissaat aningaasanik malitseqarnissaat pinngitsoorani malitseqartariaqarpoq.



Mittarfeqarfiit siornatigut ataatsimoorput Kangerlussuaq Nuullu sinneqartoorujussuarterluni mittarfeqarfiit iluanni nalimmassaalluni agguaaqatigiittarnermi amigartooruteqaratik landskarsimut allaat 13 mio. kr.-inik tunniussaqaqtarsimallutik ingerlasimapput.

Immikkoortillugit inisseriarlugit akilersinnaanngitsutut sineriamiittut inisseriarlugit maannakkut ukiumut 76 mio. kr.-inik amigartooruteqarfiusalersussatut nalunaarusiarineqartarsimasut takutinni-kooreerpaat, taakkulu inuaqatigiinnut atuisusanullu sunniuteqaatissanngortut anigorniarlugit

Tamatullu Kangerlussuaq matusussangorlugu siunnerfeqaraluarnermi ammaannassappat 160 mio. kr. missaani akeqartariaqassaoq Naleqqamiit taakkartortarnikuusarput uniorpallaarneqarani saqqummiunneqaqqippoq tassalu kangerlussuaq sineriamiit onrinneqarsinnaalluni ammaannassappat tamanna ukiumut 158 mio. kr. -imik akeqassasoq mittarfiup sineriamiit ingerlatsinneranut 53 mio. kr.-mik akeqassasoq nalilerneqarsimalluni.

Kujataani qulimiguulimmik kiffartuuisoqarunnaassasoq taakkartuisoqarnikuuvoq taannali maannakkut mittarfiliortiterneq ilutigalugu ingerlaqqiinnartussanngornera ukiumut 38 mio. kr missaani landskarsimut naleqassasoq.

Mittarfiliornarit nunatta aningaasarsiornissaattut taakkartorneqarput iluaqutaassaqisut pillugit takorloorneqarpoq ukiuni 30-ini 700 mio. kr. inik sinneqartoorfiussasut taakkunanilu Qallunaat Nunaat 33,3 %-imik piginneqataanerat ilutigalugu Qallunaat nunaata 700 mio. kr.-iniit 231 mio. kr. pigisussaavaat taamaasillunilu nunatta ukiunut 30-inut 469 mio. kr.-inik iluanaruutigissagaa missingersiorpaat. Tassalu mittarfissuat iluanaarutaanissaat ukiumut 15,9 mio. kr.-iusussaalluni.

Aap 15,9 mio. kr.imik agguaaqatigiisillugu ukiumut iluanaarutaasussaq ukiunut tulliuttunut 30-ini ajunngikkaluaqaaq akerlianik landskarsimut minnerunngitsumillu sineriammut sunniutissai tupinnaannaratik amiilaarnaqaaq.

Landskarsimut aningaasartuutinnngortussat tassaapput mittarfeqarfiit 13 mio. kr. imik piujunnaartooq qiviraanni tassa ukiumut iluanaarutaasussaq 2,9 mio. kr.-iinnaassaaq nunatsinnut iluaqutaasussaq.

Mittarfeqarfiit ukiumut 13 mio. kr.-imik sinneqartooruteqarfiusarsimasut 76 mio. kr.-inik amigartoorarfiulersussat ilanngukkaanni ukiumut 89 mio. kr.-neqartussanngortussaavoq.



Kangerlussuaq ingerlaqqinnissaanut missingersorneqarput ukiumut 105 mio. kr. imik akeqassasoq sineriammiillu mittarfittut atugassat ilanngukkaanni ukiumut 53 mio. kr. ilanngukkaanni Kangerlussuaq sinneqartooruteqangaatsiarluni ingerlasarsimasoq ukiumut landskarsimut 158 mio. kr. imik ajorseriaataasumik inissiisussangorpoq.

Mittarfiliortitsernermut akilersinnaassusaanut kujataani qulimiguuliup peerneqarnissaanik oqalunikuuneq maannakkut ingerlaqqiinnassappat ukiumut tamanna landskarsimut ukiumut 38 mio. kr. missaani akeqassasoq missingersorneqarpoq.

Taamatullu Kangerlussuarmi mittarfeqafiup innaallagiaqarnikkut il.il. ingerlatsiviusimasoq nukissiorfinnut atuisunullu tunniunneqartoq ukiumut katillugu 12 mio. kr. missaaniittussanngorlugu nukissiorfimmuut isumaqatigiissuteqarluni nalimmassaaneq aqqineqarpoq.

Ukiumut mittarfiit sananeqartut 2,9 mio. kr. imik isertitsiffiusussat maannakkut ukiunut 30-inut naatsorsorneqarsimasut qiviaaraani 700 mio. kr. imik taakkartorneqartut landskarsimut sunniutissai landskarsimut atuisunullu sunniutaasussat annertussusaat tamarmik katillugit ukiunut 8 mia. 910 mio. kr. iussapput. Tassalu landskarsimut ukiumut 297 mio. kr. -iussaaq 2,9 mio. kr. -imik iluanaarniarluta.

Tamakku Naleqqamiit taakkartortarsimasagut teknik-pallaarnerarluta uagutsinnut uparuaataasarsimaqaat. Taakkartortarsimasagut takuniarneqarsimanngitsut maannakkullu eqqumiikkaluartumik aatsaat kisitsisai saqqummiussorneqalersut. Maanankkut saqqummussorneqartut paasineqalerpoq aamam taama teknik-eqartiginngitsut ila paasinaqaat.

Mittarfiit 13-iusut, qulimiguulinnullu mittarfiit 46-sut manna tikillugu suliffeqarfimmit nammineertitamit Mittarfeqarfimmit ingerlanneqarsimasut innarlerujussuarlugu akilersinnaasortaat Kangerlussuaq Nuullu peeriarlugit maanna akilersinnaajunnaarlutik inissittut inuiaqatigiinnut tamanut allaat angalasannngitsunut akilersugassanngorlugit aqqissuusseqkeriarluni inoqarfiit mikinerit pilliutigalugillusooq inissinnerata una siunnersuut ersiutigisaasa ilagaat.



Ajornerpaajuvoq nuanniinnerpaajuvoq maannakkut taamatut isorliunerusunut nunaqarfinnut illoqarfinnut mikinerusunut angallaneq akisoorujussuaq ajornerusumik kiffartuussinermik ukiunut qulinut pituttornikuusoq politikikkut aaqqinnaveerlugulusooq illugu selskabinngorlugu akisussaaffik milioriutiinnarneqalerma.

Misilittakkat takutittaareerpaat taamatut selskabinik ingerlatseqatigiiffinnik pilersititsisarnerit kingunerisaraat sulisut akissarsiakkaarujussuit atuutilersarmata, taakkullu atuisut akilertartussaavaat ila ornigarput imaannaanngeraaq aammalu imaannaanngereersoq politikku aaqqissuuteqqinnagu akisussaaffik akiligassarlu atuisunut inuiaqatigiinnut innarliisoq annertuumik pilerseriarlugu mittarfeqarfiit agguloriarlugu maannakkut kingumut toqqorteralunilusoq kingumut ataatsimoortariaqarnerat neqitiullugu ingerlatseqatigiiffittut aaqqiniarlugu akisussaaffik qimarratigalugu allanut miloriunniarneqaannarmat.

Mittarfeqarfiit qulimiguulinnillu mittarfiit innarlerlugit taamatut aaqqissuuseqqinneq inuiaqatigiinnut akisunaarujussuarparput assullu torrataanani aammalu akisussaaffimmik aaqqiigani allanut aaqqisussamik miloriussiinnarneq naleqqutigani lu torrallataanngilluinnarpoq.

Taamatut Naleqqamiit selskabilioqqinniarnermut aammalu akisussaaffimmik aaqqiigani milioriussiinnarneq akuerinagitu atuisunut akitsorsaataasumik aaqqiineq tapersornatigu akerliulluinnarnerput oqaaseqarfigaarput.

Siunnersuut tamatut oqaaseqarluta itigarterujussuarparput.